



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱԿՈՒՇԻ ՄԱՐԶՊԵՏ

Ո Ր Ո Շ ՈՒ Մ

22 հունվարի 2024 թվականի թիվ 15 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱԿՈՒՇԻ ՄԱՐԶՈՒՄ 2008 ԹՎԱԿԱՆԻՆ ԾՆՎԱԾ ԱՐԱԿԱՆ ՍԵՌԻ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՑԻՆՆԵՐԻ ԿՑԱԳՐՄԱՆ ԱՇԽԱՏԱՆՔՆԵՐԻ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՎԵՐԱԲԵՐՅԱԼ

Ղեկավարվելով «Պաշտպանության մասին», «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքներով, Հայաստանի Հանրապետության կառավարության 2018 թվականի նոյեմբերի 8-ի N 1269-Ն, 2018 թվականի ապրիլի 12-ի N 404-Ն և 405-Ն որոշումներով և հիմք ընդունելով 2022 թվականի օգոստոսի 15-ի Հայաստանի Հանրապետության պաշտպանության նախարարության զորակոչային և զորահավաքային համալրման ծառայության պետի 2023 թվականի օգոստոսի 7-ի հրահանգը՝ 2024 թվականի ընթացքում 16 տարին լրացող, ինչպես նաև ավագ տարիքի և սահմանված ժամկետում զինվորական հաշվառում չանցած արական սեռի քաղաքացիների զինվորական հաշվառման աշխատանքները կազմակերպված անցկացնելու նպատակով՝

որոշում եմ.

1. Հայաստանի Հանրապետության պաշտպանության նախարարության զորակոչային և զորահավաքային համալրման ծառայության Տավուշի մարզի թիվ 1 և թիվ 2 տարածքային ստորաբաժանումների ղեկավարներին.

1) Կցագրման աշխատանքների նախապատրաստումը և անցկացումը տարածքներում իրականացնել 2024 թվականի փետրվար-դեկտեմբեր ամիսներին՝ «Պաշտպանության մասին», «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքների, Հայաստանի Հանրապետության կառավարության 2018 թվականի նոյեմբերի 8-ի N 1269-Ն, 2018 թվականի ապրիլի 12-ի N 404-Ն և 405-Ն որոշումների և Հայաստանի Հանրապետության պաշտպանության նախարարության զորակոչային և զորահավաքային ծառայության պետի 2023 թվականի օգոստոսի 7-ի հրահանգի պահանջներին համապատասխան,

2) կցագրման աշխատանքների ընթացքի վերաբերյալ յուրաքանչյուր ամիսը մեկ գրավոր տեղեկատվություն ներկայացնել մարզպետի աշխատակազմ, իսկ կցագրման ավարտից հետո 10-օրյա ժամկետում արդյունքների մասին ներկայացնել զեկուցագիր,

3) մարզպետի հաստատմանը ներկայացնել 2008 թվականին ծնված պատանիների զինծառայության նախապատրաստման աշխատանքների պլանը,

4) Հայաստանի Հանրապետության պաշտպանության նախարարության զորակոչային և զորահավաքային համալրման ծառայության Տավուշի մարզի թիվ 1 և թիվ 2 տարածքային ստորաբաժանումներ չներկայացած և զինվորական հաշվառումից խուսափող (այդ թվում նաև ավագ տարիքի) քաղաքացիների ցուցակները ներկայացնել Հայաստանի

Հանրապետության ոստիկանության Տավուշի մարզային վարչության տարածքային բաժիններ՝ վերջիններիս կողմից համապատասխան որոնողական աշխատանքներ կազմակերպելու նպատակով:

2. Մարզպետի աշխատակազմի առողջապահության և սոցիալական ոլորտի հարցերի վարչության պետին.

1) ձեռնարկել անհրաժեշտ միջոցառումներ ենթակա բուժհաստատությունների կողմից կցագրման ենթակա պատանիների ամբողջական հետազոտման աշխատանքները սահմանված կարգով իրականացնելու համար,

2) կցագրման ընթացքում հայտնաբերված հիվանդ, բուժման ենթակա պատանիների բուժումը կազմակերպել այնպես, որ նրանք մինչև զորակոչը լինեն պիտանի ծառայության:

3. Մարզպետի աշխատակազմի կրթության, մշակույթի և սպորտի վարչության պետին.

Հանձնարարել ուսումնական հաստատությունների տնօրեններին՝ համագործակցելու Հայաստանի Հանրապետության պաշտպանության նախարարության զորակոչային և զորահավաքային համալրման ծառայության Տավուշի մարզի թիվ 1 և թիվ 2 տարածքային ստորաբաժանումների հետ կցագրման աշխատանքները պատշաճ մակարդակով իրականացնելու նպատակով:

4. Մարզպետի աշխատակազմի տարածքային կառավարման և տեղական ինքնակառավարման հարցերով վարչության պետին.

Համայնքների ղեկավարների և զորակոչով զբաղվող համայնքային ծառայողների հետ աշխատանքներ տանել՝ կցագրման ենթակա պատանիների ցուցակները սահմանված կարգով Հայաստանի Հանրապետության պաշտպանության նախարարության զորակոչային և զորահավաքային համալրման ծառայության Տավուշի մարզի թիվ 1 և թիվ 2 տարածքային ստորաբաժանումներ ներկայացնելու ուղղությամբ:

5. Սույն որոշման կատարման հսկողությունը վերապահել Հայաստանի Հանրապետության Տավուշի մարզպետի աշխատակազմի զորահավաքային նախապատրաստության բաժնի պետ Գ. Մատինյանին:

ՄԱՐԶՊԵՏ

ՀԱՅԿ ՂԱԼՈՒՄՅԱՆ

22.01.2024

X



Ք. Իջևան
22 հունվարի 2024թ.